

5



敘

陳子繼儒曰余嘗窮窮攬海

內薦紳先生諸集而知前

此人文化成之大驗也繇





國初至今日文無慮三變  
詩亦無慮三變木拔道通  
則自劉宋諸先生而下梓  
材丹雘則自李何王李諸

先生而下識者頌其熾盛  
軼於前後三代雖其間有  
文憎命達以侍從材經濟  
材而不究於用然緹緗所



載歲蕤美富山林中郊島  
之篡卒莫敢進而方駕猗  
與都哉光制科矣吾雲間  
最顯重者無逾邛友董宗

伯而宗伯所亟口謝不逮  
則無逾姑孰

曹公元甫夫元甫先生著  
述滿天下微宗伯當戶知



之乃宗伯之號稱知已則  
有異其大旨謂公忠懃如  
汲守慷慨如賈傳練習邊  
事如趙營平今之侍從材  
經濟材也惜也登第日值  
弘文選罷不得入直承明  
出而仕一郎司農一師河  
雒水心水鑑見謂差足奉



上旨稱職任于所爲進補  
舜裳之具殊未盡不獲已  
見端于車砲一疏理財數  
十書又無有讀而伸其用

者噫嘻文武憲邦彼何人  
哉之言也宗伯寧渠阿私  
所好蓋往在長安與公慷  
慨當世結古歡最摯所繇



推鑒至隱爲英鄂開生面  
不若予徒以文相慕說也  
然因文識其人余亦全貌  
一元甫先生矣讀博望漁

山攜謝青在諸集見忠孝  
之思焉見山水之情焉見  
一時賓游之樂焉又見其  
縱橫千古推拓一世之才



之識之學焉參矣予之得  
也昔介甫在淮南爲正之  
道子固還江南爲子固道  
正之子固懷友之什介甫

同學之篇志得朋也今宗  
伯于元甫言予于予言元  
甫又華予以元甫集而屬  
爲敘又以吾序致之元甫



余雖不謀面居然坐牛渚  
半宮對異人淵庭狀矣雖  
然余則安能差池二子間  
哉元甫仕宦之車未耳已

罷中朝士正以公才公望  
相引重維宗伯實推鋒焉  
異時全集出當以龍轡文  
副夔虎業益有明薦紳



先生一盛事余也南山歸  
咏久附襄陽夫安能差池  
二子間哉

雲間友弟陳繼儒頓

首拜題





序

珏也好遊孤筇所至勝侶寂  
寥非有康樂先生伐山開道  
之奇也才樸櫟又不能如子  
長先生發而爲文與杖底名



山川爭瑰瑋淵泮之勢第一  
念向逞願得事海內大賢願  
得誦述大賢人所著作作用以  
弛搜奇寫異之勞爲一揄快  
而晨星發噫復不多慰乃今

得一執鞭

曹光祿元甫先生予未見先  
生時先生所著書已出自石  
倉研玩不去心目間晤友人  
秦京盧原父袁公寥輩則又



嘖嘖先生爲今日郭有道諸  
遊其門者卽孤懷小致殆罔  
不延錄云予展集覆所推轂  
諸布衣語益信則益慕說之  
已乃齋沐而前與客籍則先

生正謝中州學政歸高臥青  
山絕意世事卽素所珍爲球  
琳琅玕諸製疑亦塵粃視之  
而德機則不忍爲珏杜也時  
而示以流水之審時而示以



鯢桓之審淵有九得泳游焉  
兼復籃筍蠟屐相攜溪林深  
宵間寒蘭佩蒞看雲狎鳥移  
珥旅情間或缶鳴有進亦不  
靳咸英之和而後庶幾乎得

先生之二二竊不自量擬位  
先生於漢兩京唐貞觀開元  
謂皆浸灌沐浴用以集大成  
而鼓休明也先生哂曰吾何  
知吾寧得吾耳當其偶爾結



撰如乘莽渺之鳥游無何有  
之鄉而適壙垠之野忽不知  
意曷來氣曷往時會風物曷  
以將迎而篇與句乃適起而  
赴之奚役役焉以步趨陳人

爲噫嘻珏誤矣珏誤矣窺於  
先生者淺其猶有蓬之心也  
夫抑珏所沾沾尚論非司馬  
及謝公哉謝公徧遊東越而  
不能不以鴈蕩待後人司馬



公所獨有千古者在八書及  
諸贊而世本國策之採擷不  
與焉此亦可悟先生文心矣  
夫先生固今之開鴈蕩者也  
非今之擷世本國策者也遊

從正適適秋八月至聞故國  
武夷君將又坐幔亭而張宴  
相呼也因告歸書小言於所  
見之博望集

莆陽宋珏拜手書





壽母堂書目

博望山人稿

已刻

漁山堂稿

即刻

攜謝閣稿

即刻

青在堂稿

嗣刻

辰文閣稿

嗣刻



博望山人稿目錄

卷之一

五言古

石鍾山石壁

舟中望九華

李年伯思堂二首

令子應昇余同年

黃慎軒先生爲秦京書緊那羅王頌併志不

數年而翁不可作矣京護之度爲冊出則

挾以隨履吉瞻誦佛法交情于茲有省爲



卽黃韻更步一頌黃頌頌王吉乃頌頌亦  
併頌京云

再索李長蘅年兄畫

余爲畫寄李元鎮于饒陽使來得讀新詩甚  
快而寓書則大哂予作畫翻情祗手予復  
染一畫爲報以戲語識之時已未夏五

爲秦京作畫識一詩志別

望匡廬

壽阮柱翁年伯四首

桂蘭圖練任鴻諸郎請題

同年王鞞菴以貴池令最調欵浦余里中友  
蘇澍伯官池陽備兵使者旗鼓督積承雅  
故茲行卽音徽匪邈而事不同方於情悵  
無謁也乃緘一卷遙囑相爲圖之探有往  
懷當可附見得五言古二章

同韓孟郁登凌雲山慨欲家予東畝走筆堅  
之

徐昭質相晤真州汪園賦贈



博望山人稿 目錄 贈別沈璧甫時聞薊門警三首

許襄明正志烈烈真稱繩武其邑君懿德借

厥小婦龔姬於聞難日誓死靡它萃於

門莫斯尚矣天門外史并著於篇

題小染送別楊大洪先生

涉江曲寄壽阮堅之先生

昧公六十初度二首

海山圖自題為韓太公太母壽

程弘父芹藻園二首

余往為弘父賦其芹藻園近偶過取讀之續此

寄祝山人盤谷

送余郡侯還里四首

題畫 有小引

題張仲玉讀書處

馬當山三首

晚眺

賦得夏日長四首

蜀中安氏遺腹守節舅氏以歲儉慮不俱活

欲嫁之安氏赴河且死獲救今八十矣格



應旌何太原爲冊求詩得古意一七言一  
几遽區省丈作詩督予通畫旣成識其顛  
過雨探奇詩二首有引 在辰陽家大人命作

卷之二

七言古

登黃鶴樓放歌

謝文靖公真像歌

晴水圖歌

放歌

劉半昉年兄索予畫諾之未了今重來長安  
偶作此圖復行書一卷爲卽一時相戲之  
語以韻識之

予製三屏爲一屬高秋甫滿繪群卉初張之  
小堂見中三幅其顏尚餘素地因飛筆補  
一詩適李組修孫寶林傅遠度魏考叔諸  
君從金陵至相與坐對而各酬之以酒  
蕪關余起潛水部得代還南署短歌寄送兼  
懷前權使劉心城社長



黃海岡陵松栢歌爲汪太公八十壽  
解石帆以司理晉給諫連得封典

夏門二母雙節

壽張伯母六十

觀胡助之先生畫齊山歌

爲陸廷讓作畫侯木菴就案奪去復送予署

中補竟識數韻以代小紀

壽宣城徐母六表

余神醉郡侯杜公畫梅奇麗守我郡及期以

勞民諸事俱絕忽此歸與爲作大小三株  
分施扇絹喜出不意遂成一篇

岱岳歌寄中丞宋老師

壽程淇竹八十

見山偶成

老萊戲綵圖爲郭青螺中丞封公壽

送王庫石先生歸安福

小孤山乞靈詩

題黃貞婦卷



奇蜂行爲孟水部題

題李太夫人節壽

淄川韓烈婦

題畫贈潘景升

題李友此君圖

劉房生索畫題贈

送郡侯何斗瞻

有小引

霍山王義士父子死節歌

贈節壽歐陽太母

壽霍山張翁五十

壽陳母七十

卷之三

五言律

入辰溪展覲大人時暫去塞哨給餉二首

同吳栗仲諸詞人坐尼坡上有感

尼坡梅月舊爲姑孰八景之一相期世符菴

於坡下以小詩堅之

贈別李仲達年兄四首



送申青門請假南旋八首

得郭明府雲中書賦答三首

喜秦京遠訪畱攜謝閣上卽事六首

杜退思舟開登采石山望別

石鍾山秦洛原書屋二首

端葉生樓居成予適有小構依其旁過從甚

適爲賦此喜四首

舟行望夫磯初見雨後瀑落二首

懶顛過余快語特詢車制舊事二首

棲賢法主西一從石巢居士等社來相訂再

過

徐準明水部督南河詩來見憶却答二首

九日直指龔瞻鳳見枉適仁植同年到分賦

二首

贈張廷掄兵憲二首

中州門人馬布菴見過家園與余談近變甚

悉才槩見眉宇間取所攜冊書以壯之兼

寄令侄便面二首



博望山人稿 目錄  
又送布菴二首

望江雲

辰溪江上

登金柱避暑

送俞尉之新任

松亭

齋中偶興

楚山別鄧道蕃兄弟二首

送葉長原遊梁

題蕭府幕花欄

將發芝城別葉雲卿

呂吉人邀遊園亭三首

效杜少陵戲爲艷曲二首

送陳尉之粵

賀曹中丞下車新安兼謝過臨之約四首

送陳明府投劾還里

題鄭母壽冊

獨坐偶成



博望山人詩目録  
贈程若質

秦京見過坐攜謝閣分賦

再用前韻贈秦京

宿魯橋

浙楊玄水過余索壽母詩

別董天來二首

袁季昌酌小齋問門外是謝家青山遂唱兩句乘醉請爲四韻成之

金陵同俞崑巖夜話

壽汪老

偶成

渡江別宋侍御三首

皖公春壽柱翁年伯二首

謝文川廉憲八表二首

見竹舍

青山道中懷張仲玉

與陳行之對坐

汪君酬比部中秋小飲

時君酬有家難



送石軫餘權九江關時余將赴武林二首  
次潞河張仲美追別出絹素索詩為其尊人

熙宇祝六十初度

寄錢右衢山居

病寓金陵偶為楊仲房識小染

吳象成新居

齊越石赴會稽郡任道余里余固停之得讀

長安諸公別言併所酬句二首

天啓癸亥夏至製寬觥鏤五言近體四章壽

郭少保衛民時則家弟慶成氏更進加酌

予較士所至輒雨茲再較開祥兩試事竣矣

時久旱雨復大作戲為三詩因盧廣文舉

蔡虛齋先生較浙故事併及之三首

直指何環應招遊姑溪用韻

石巢歸泊牛渚相聞用來韻奉酬二首

張無奇五遊中嶽

泊揚州贈顧心印

發采石渡玉溪口



武昌道中有懷同社退思公寥闇夫諸子

丁未冬日過霍彭九瀛潘方秋招集五印閣

二首

西山道中卽景期友人晚酌

同孟辛城隅看柳回集小齋二首

孟辛見枉以山花爲具蒙入聯見贈答之

五言排律

初抵霍山謁伯陽吳老師時師公出留候

大人以王春初之宰辰陽時男履吉計偕燕

中不能侍送姑谿上一卮爲壽敬成數言

以當彩戲

涉江曲壽汪封翁

卷之四

七言律

金陵登憑虛閣

登攝山絕頂二首

登金柱山敬和先大父封公元韻二首

遊金柱塔有懷故令章公



岳陽樓

家大人衙齋小亭初憩

已酉壽家大人於家庭別來辰陽始嗣成歲  
彩喜而有成

九華江上遲友

送周季侯按楚二首

直指白樓易公入九華因憶與吉有同遊之  
約遂止望華樓貽詩見懷賦以酬之

秋日方仁植年兄同越友史白弢訪余泊采

石適晉陵張二無省長同兄韞之拏舟而  
至印事各賦二首

冬日邀吳栗仲同張問夫李居絢倪世符叔  
遠谷蘭上人泛舟尼坡攜蘇趙墨蹟共閱

冬夜楊仁甫招同宋比玉王巢父沈璧甫如

溪泛月

送王巢父歸杭重及長安舊事

倪世符叔遠昆玉邀同沈璧甫梁千秋吳君  
衡泛姑溪釣臺雪作時薊門正棘



崇禎三載春仲既望為張年伯母八十誕辰  
 時令子山東憲使貞菴蒙上恩予養梓里  
 榮之猶子履吉敬稱一觴歌拙詩為侑  
 韓孟郁書言盧原甫駱御飛二兄合璧之妙  
 既見喜而謝之

小閣成吳門駱御飛嶺南韓煦仲盧原甫夜  
 坐分賦

九日盧原甫韓煦仲王居重沈廣心吳君玉  
 諸客共泛龍山

青溪舟中寒夜懷淮海友人

奉問鄭玄翁尚書二首

送史道鄰出鎮江北二首

練任鴻按漕言別 舊令山陽

都門送朱西崑明府之蕪湖

送聶雨軒少司農歸里 代大司農

送魏元白侍御按齊

部堂後東偏有晚節園義取四檜五松云垂  
 百餘年軒楹修廢不知幾更而松檜故存



博望山人稿 目錄 詩  
豈非節以晚定不隨衆芳搖落邪余鞅掌  
之暇拂拭前賢題石因少加葺植而繫之  
以詩

送大廷尉林仰晉還東粵

送張尚書翼明還里

恭順侯吳苓石以大將軍扈從郊祀禮成  
將出都偶同袁田祖集後湖

輓楊明宇都尉

贈黃春日徵君

贈劉岐陽膺南侍御封

祝徐磬石母

芝城胡女爲過訪道舊

樓居成適程相如將軍至自揚州書兼惠籌  
邊諸刻却寄

贈貴池李明府

同杜退思晚上燕子磯

北征次梁苑晤侯六真同年時黔中苗亂六  
真奉命往按索贈二律



壽呂母七十

郎君劔潭官大行

侍御渤海張公以仲秋出按吳門過里稱王  
太夫人觴敬附一章爲祝

寄黃霞碧

送孟讓林擢憲使督餉三晉

汝南胡趨倣得封三代光祿勳

張見立文部還隴西時將有夢蘭之喜

夜行臨淮濠上

劉蘿陽方伯王正八日招飲卽事

次日立春

沈宏所晉左伯東省取道維揚暫駐於大梁

賦別二首

陳獻吾愛韋蘇州獨憐幽草篇常見吟咏寄

意甚深欲余落墨染此景未間則先索余

行草此篇橫施尺幅間韋以詩作畫余復

代畫以書古今幽事初無定本是宜靜者

得之因更系詩一篇

送王敬野太守

吳壺南過別歸隱黃山



何環應直指還朝

時取道歸省

元宵江行赴金陵

信宿汪士衡寤園

社日後邀韓孟郁水泛指謝家青山兼酬來

韻

祝宣州蔡節推

寄鄭丹徒詎菴

王巢父沈璧甫偕顧余墨海齋中酒行道故

各投佳篇賦答

擬送吳去聞先生奉使秦藩二首

金陵西天寺同張仲玉吳君玉飲桃花下

寄郭次甫

心城劉年兄蕪權報滿二詩爲別

贈友

酬袁公寥來韻四首

丁未冬遊灊霍吾冲虛先生逾年得歲五十

憶壽以題冊尚能嘿舉越戊午逮耆頤指

矣余適假歸行者財悟索味靜者乃倍體



受余於此殊進一觀因郎君便問附見此  
詩請以續頌

袁又玄以夏五過我攜謝園賦贈又玄所自  
得則以畫爲禪云

林陽仲明府見貽東原小齋二詩步韻奉酬  
王穉恭范穆其程仲貞楊仲房集小閣再用  
林陽仲韻二首

嘉平三日大椿翁虞年伯七旬初度時方偕  
老伯母就司李公丸階於微而李公屬以  
半年于役歸及茲辰得舉觴事于胥樂兮  
履吉敬爲紀而詩之以備叢辭三首

出涿鹿望迤西諸山

河間道中

余延館虞君爾篤因借交令岳莊歛之屬四  
月初度稱小詩寄祝

石巢舟中小星之喜卽事爲笑

同杜退思遊金柱山用退思韻

題杜文部斗園



博望山人稿 目錄  
侍御馬千里迎太夫人于京邸敬賦二律爲

壽御史家陝西

時天啓初元

聞方時生新居成

壽某夫人

同金九嶼呂吉人郭仲庸登雷峰

登天柱峰二首

賜綵堂爲柱史李公題

問鶴亭爲柱史李公題

贈勞明府擢北比部二首

郭宗伯明龍先生席上有呈二首

予叨集生年翁天真篤契又託同庚昨歲賤

辰蒙錫佳咏更添一載予亦依律爲祝集

生正花甲一齡俱合嘉祐伏波故事而聖

恩新賜冠冕崢嶸卽稽首拜揚夫何能極

終歸點石知集生不予棄也

壽張封翁

壽詹母六十

錢公永新第拜版使以春正轉黔中餉便道



博望山人稿 目錄  
歸里壽太夫人敬賦一律贈而兼之以祝  
封太公何年伯以丙寅歲七十開袞越明年  
冬履吉歸自嵩少適令子代巡敝里乃介  
一詩寄申方至之祝云

鳩茲橋

湖口逢普陀僧唯一入楚

道士泐

虞伯醇夜話

陳行之談鴈蕩龍湫之勝巒巒神飛因爲一

律以當臥遊

集余郡侯衙齋之舍清亭

蚤秋邵道卿過鳩茲謁項虞部書來賦答

別成長公次公還魯

呈中丞宋老師三首

壽曹元芝侍御封公

壽劉利津年伯八十二首

卷之五

五言絕句



冰玉山房雜咏 有引

賓旭閣

玉樹軒

小蓬壺

彌勒室

曝書樓

團蕉

會心處

蒙泉

小檻

武昌曲四首

袁田祖持畫索題得三首

葉孺韜歸皖題畫為贈三首

題畫五首

墨梅

月窓三首

藏雲山房

卷之六



七言絕句

桃源洞六首

辰溪鼓吹曲四首

冰玉山房雜咏 有引見五言絕

冰谿

玉屏

凝碧樓

躡雲廊

有斐堂

漱潤軒

文明閣

吾伊所

時享亭

寢成室

南天寺訪松上人時有新安之行

山行訪友

美人顰心

金陵有感



博望山人稿 目錄  
燕來二首

藏雲晚步

夜坐悼逝

無題六首

再用首絕韻二首

題畫扇三首

李經之蘭譜

過李元美高齋

長安秋早寫寄君御先生

壽朝徹上人

寄潘木公

許鄰叟一畫久矣寄以慰之

題秦京五清圖

題畫送楊文弱還武陵

題海天壽域四絕爲黃年伯雙壽

胡天岳司李爲汪闇夫畫葵花一本適有所

合走筆紀贈

壽張問夫母

世望山人稿 目錄  
爲張兆蘇題畫

贈曾肖東雙壽冊

過陶名卿湄園

贈程若默

戲張文若

題畫

題王近玄畫面

題畫

聽曲

將出都爲戴魯生作小景

作小景有贈然此諾已三年矣

題陳仲叅小像

宣州關郡侯入覲葛子持卷索言因拂卷光

素可染輒落幾筆卽識其意爲二絕

識畫

徐昭質作畫寄秦京偶識

題汪園荆山亭圖

對雪作小景寄客二絕



博望山人稱目録  
曇壁上人以法語見投答之二首

文殊菴吹壁間遂畱雲松上人

小脩抵都題六絕跡余臨發而余已至相見  
欲狂因共作曾臆語竟夜走筆聊爾為報  
末二語則使小脩見贈可也

題畫過牆竹

題畫

題趙承旨畫馬

孟旋病起厲詩禁大署再犯杖數以自警典

至不覺拈艷曲體一詩見示因步韻為答  
詩云中心愛矣遐不謂矣可以得余意之  
所存

與崔起九二首

博望山人稿卷之一

當塗曹履吉元甫著

五言古

石鍾山石壁

夾石盤幽磴垂江兩壁開恍然出不意頓使心目  
恢跨梁復倒懸勢欲凌遡洄虛實洞相屬巧引天  
光來豁此步武餘吞吐景物該山盡潯陽色江捲  
吳楚回俯身萬丈潭無濤亦輕雷石罅旣空籟况  
受微浪催噌吰自傳響千古謾相猜



舟中望九華

輕舟掠巖色高列勢臨岸白霧捲不盡乍與九天  
亂排峯競攢掌突削挂珠冠初疑是怪雲變幻出  
清漢須臾雲遶處更在峰腰散揭開重翠滴華心  
向空燦新浴起晴江鮮露凌霄湧似仆復相撐欲  
飛且猶按陽崖不分日併作金光爛况此列輔岫  
尖尖嶧相貫各自鬪殊絕恥作衆山觀想像深壑  
奇寧識江流換精靈自今古萬化感誰絆極目蓬  
窓中棲心已巖半

李年伯思堂

令子應昇余同年

結宇問何適雖涉不成趣筵几豈非親思從中來  
故俎豆自春秋音容恍朝暮一釜不遠存三年空  
免乳所業欲誰榮終身惟此孺強起拈一經仰體  
後人付孫枝今已森父書不足句試瞻此亭中其  
繩維祖步兒前再詔之語語咽衷悰

其二

曰惟大父母種德固彌量仁真緩急操性實恩仇  
忘兼之閭職勤酒漿而糟糠念此可重陳涕泗以



博望山人稿 卷之一  
傍徨孝哉永慕心耿耿薄穹蒼通德里門欽太丘  
復元方以茲鍾毓深厥宗那不亢神駒龍爲友千  
里無留行顧恥錦衣榮志事思在堂亟釋伊亭名  
而爲趨庭揚聞者攸好德載咏盈縹緗南山有喬  
松其枝玉露灑託根胡以滋歲寒不易常造物允  
鑒茲何用明報章下有千歲苓與爾釀爲觴藉之  
彩袖懽坐邀三世光亭也爲不磨吾黨應張皇

黃慎軒先生爲秦京書緊那羅王頌併志不  
數年而翁不可作矣京護之度爲冊出則

挾以隨履吉瞻誦佛法交情于茲有省爲  
卽黃韻更步一頌黃頌頌王吉乃頌頌亦  
併頌京云

所頌五神王乳峯是其處小翻嗔事機莫從嗔事  
誤本門無斷滅豈斷言語路以頌寫王神神於王  
自塑箕穎居士身明光笑栽禪借來鹿門間針芥  
投相覷悟解數十年江槎與管炬難說菩提心聊  
狀天龍怒法法本人緣何況知交故衣鉢兒孫迷  
筆墨友朋護想像前日書買山贈已具獨老自天



博望山人稿卷之一  
中手跡人何去且未盧巖藏時供道眼豫神光留  
斲輪足攝多生趣獨有知己悲苦愈失母孺恐亦  
墮情癡卽見羅那怖請以占頌觀還以占頌度隱  
山雖不深已了當下語護法信無過二天同此務  
再索李長蘅年兄畫

燕山雪打戶寂歷思誰羣有友如貞白花宮揮紫  
紋壁間染一圖四座清音聞上識數行字半挾煙  
與雲興言泛輕舟寫之樂我員念此貪心熱清爲  
故人分別貽龍居編如出羊欣裙旣帶韋孟骨仍

運蘇米筋終然尺幅緣屬之典護軍翻嘲手不辣  
胠篋徒爾勤遍地屠酷兒焉知蘭茝薰餘者定不  
解古人詩有云只可自怡悅不堪持贈君此君差  
不惡薄也宗少文臥遊那得私相酬千日醺

余爲畫寄李元鎮於饒陽使來得讀新詩甚  
快而寓書則大哂予作畫翻倩低手予復  
染一畫爲報以戲語識之時己未夏五

三年寄一圖訝我牀刀捉噫此匠者誰而許人代  
斲及把瓠菴詩天真益非學將詩作畫評無怪多



揚推舉筆復經營遠寄當河朔意於冰蘖堂聊贈  
江南樂莫笑此故吾臨圖仍未覺

爲秦京作畫識一詩志別

風日無定美怪爲君來新篋有宋元畫展對娛佳  
辰天機息在茲時師嗟効輦余更姑舍是直師君  
之人君體高而素獨立絕纖塵體不挾水墨却具  
畫之神通神與余手信手如置身危巖削何極偃  
視空無鄰小石煮不盡激沸千盤銀忽響長風來  
拂手乍停皴衆山恍飛去余亦迷假真泠然落何  
許遠在汝海濱其神不可羈聽之隨所親獨余空  
兩手無計畱嘉賓望望霜天長語苦難重陳將子  
復能來佇立凌敲春

望匡廬

似憶古廬君鄰買江陽上浩劫自匡名誰問天子  
嶂累日遡濤宿茲晨重嶮望悟與目成故都弗駭  
奇狀東風駛葉舟楚黃迎夏漲如同過家門不入  
黯回嚮洪井嘿檢點曳帛愁意匠焱若靈驅雲排  
天青盡放媚帶餘數條逗雷忽縣傍疊疊尾蓬窓



飛依寫迤貺舉手還致辭好爲營石闕七嶺貯三  
湖會須狎盆盎再爲語龍門禹跡曾無恙除却秦  
漢君此友終當尚

壽阮柱翁年伯

中丞社稷功活人寧萬計東南率土心揆天信宜  
世惟世潛見中孰能窺象帝蒸蒸子孫行勤勞各  
有稅於茲休乃公且教拋一切要令吳楚間常識  
星爲歲

其二

百城書自擁十策發須兼從人自言貴一笑取不  
廉有吟天與豪恣之名山淹不然天柱峯何以落  
吾潛于志倘非適自署當不拈豈渠塵世子終日  
乃循檐

其三

搖光東已隸青章時物開如何子舍綵若爲使星  
催卮擎玉龍泛節秉金虎來堂上滿顏春相映美  
且慙焉知子父殊但作伯仲猜朱門而丹丘冲舉  
何悠哉



其四

日月富來茲穠華坐正舒策方大衍周樂仍大合  
初真人別有悟千載衛之遽攸好與天通貽厥復  
奚如數行輦上輪一雙花間車石巢菴畔樂付與  
里門書

桂蘭圖練任鴻諸郎請題

艷陽騰卉采春華恣衆歡孰識幽與秀造物奇秘  
看托體旣以遠蒔秭非人完新姿纔出根已在千  
巖端自香復自光寧群耳目觀可翫非常娛能韞  
乃爲難有芳奚論穉厥始志已安深山識叢桂遂  
谷表芝蘭遐哉絃誦心古喻良不刊

同年王韡菴以貴池令最調歛浦余里中友  
蘇澍伯官池陽備兵使者旗鼓督積承雅  
故茲行卽音徽匪邈而事不同方於情悵  
無謁也乃緘一卷遙囑相爲圖之探有往  
懷當可附見得五言古二章

浩澤含五氣何年開神光蒸茲荆南材賚我江東  
良郢國寒芙蓉靈均作賦鄉秋浦秀蓮華太白讀



書堂尚以二友心寧直一割長劍精撫睢流不異  
千年藏豈識謳歌人大壤祝庚桑行行天都下於  
粲懽壺漿依宇有私親近畿無分疆所異百里殊  
蓮峰皆案旁芳菲永標揭瓣瓣令公香

其二

眷昔京華塵竝馬趨蘭臺一越丘里樊雙鴻仍草  
萊江水旌古信不改潮往來遙披故人書矜獲青  
眸開詎寫高山吟而倚下里裁且置臨岐辭都將  
孔邇推桂蘭斲冰雪蒹葭從遡洄揆予政同心豈  
復歎勞媒還借竇雲巖飛章洛陽才天寒到何日  
應及早梅催

同韓孟郁登凌雲山慨欲家予東畝走筆堅  
之

咄咄歸何事好秋去未看忽借新盟人始尋故山  
歡我已似攜謝山如驕識韓故將凌冬枝不令秋  
容殘絳衣穿楓末未知誰作丹白沙消水出行復  
添幾盤渺渺庾關程雙飛無羽翰何來長風吹同  
飄雲嶺端豈不思者勞而匪合者難此意寒山知



冥對應未闌君徐起誓我一枝從子安謝客舊樓  
處荒廬所面巒今古均一托數弓寧在寬高天聞  
此語恐未許君謾

徐昭質相晤真州汪園賦贈

忽忽不解懽黯思翻成異與君少結鄰同買凌敲  
地如何萍鳧飄瞥作風馬視君去營草堂江上遙  
題字竟逋半載詩渺爾雙筒寄人傳怪累訛夢繁  
尋失記豈悟此園林相對開幽吹笑癖起平原隱  
諧方厭次奄速逾兼旬每夜忘清寐載起三嘆息  
寒星耿微志世喜曲如鈞龍門傳響利忤合孰知  
因寂寞未有位過眼紛浮雲無所落吾事獨慰遠  
人思不虞造物忌終然華陽居永挾吾昭質

贈別沈璧甫時聞薊門警

貞貴不絕俗儁期不失道執鞭向吾子抱德聯攸  
好揭旗督東師後車偕誅暴九帥懲鄴城失用觀  
軍號大將妙萬全沙衛誰爲與君獨義形色矢同  
東海蹈貞堅不肯磨備書而入告客主兩光明祇  
此高風操寧必河陽軍入幕論恩報



其二

屈指入林契相結逾廿年憶時酒力狂臥吸溪梁  
邊寄愁直天上豈悟人理遭行行南北岐流光不  
少延風多無靜林湍急迷長川醉學嗣宗慎醒恐  
次公顛病豎兼我陵依君滯歸船十起勞中夜九  
旬無熟眠幸扶閨餘身重來鬪尊前鬚髮差改易  
飲神固居然天命夫有運痛定復何憐

其三

語笑如未極忽已兩月餘 聖朝無詩忌搜險縱

橫書徵物若有待觸變常不居好月散嚴霜時雪  
翻盤渠不識天心許動與人意如應忘形等寄何  
土懷歸歟咄咄烽火驚甘泉憂未舒詎此草衣侶  
而訾肉食踈君昔幕深夜此會需廓除不少燕臺  
隗寧思吳門胥野夫空狗馬生計已樵漁

許襄明正志烈烈真稱繩武其邑君懿德倡

厥小婦龔姬於聞難日誓死靡它萃於一

門莫斯尚矣天門外史并著於篇

中林昔張羅介雉首嚴推魂遊慘不屬服音寧擇



宜旁觀骨爲銷終矢如弦辭烈祖伊何人忍教乞  
命欺此舌嚼立斷一死無四支生存信有護孰疑  
天道私歸鴻集中澤嗷嗷亦何悲爲追就錄初繼  
血摧縞綦覆巢百羽颺割玦金臺姬長跪送君子  
擲我將安之毀粧趨蓬跣依嫡延荒居溪山不化  
雪寒谷謝春吹忠信事竟顯陰陽無謬奇重對如  
夢寐秉燭恍惚窺斯情泣神鬼吾薄廬江詩

題小染送別楊大洪先生

欲語不能理將無別思深惟應拂毫素寫君山永  
音高天八月涼緊風變雲林秋容淡可染翻爲潑  
濃陰淡乃別君時濃是別君心致辭雖不前行圖  
心自臨相思倘對之以當命駕尋

涉江曲寄壽阮堅之先生

輕颺三雲開春林偏桃煥言發五老顛頓轡龍山  
岸紛披導羽旗蒞止暄風館爵服非常榮此是昕  
初爛靈妃鼓雲璈切響還自按望舒撫節從燁燁  
玄暉散至道本無私覺悟若昏旦繫君衣下珠炯  
炯明星燦西來桐柏源流爲江城瀾經阮南北居



博望山人稿 卷之一  
華陽真逸判大議看景駒生涯縱柔翰昂宿浮江  
湖光華旦復旦三山候吏人一水衣帶半橫吹仲  
呂音汗漫洪崖贊君家文字仙大笑焦桐爨

昧公六十初度

瞻錫欲何迫虛灑恍四天元神浩蕩遊隨見落尊  
前朝褰清涼霞倏忽三月遷不知耆山藏給園遍  
垓埏又憶近鳩茲法語千載傳云何吾師來獻花  
吐碧蓮徐于秣陵中寶塔神光全懽騰億萬聲五  
佛生奇權試叩此最靈師乎終閭然所以三明情  
不待恣言詮執有詢皆空從虛萬象玄聊滋施樹  
花嘆息初地禪

其二

大運無終息千年一微細結就丹氣雲曠如百常  
世詎正花甲週而祝祇林稅旣非朝霞開亦非青  
林閉終古別陰陽真存何形替偉哉花阜奇精靈  
識象帝息景寶塹重此外拋一切慙予望海人無  
色空身計初來禮戒光指引毘盧諦敢以四大愁  
獨許西弁系鞠疾么膺身花書浩渺契應從龍藏



題尚鼓三生鏡

海山圖自題爲韓太公太母壽

海色東何際雲邊青芙蓉其靈未具言其嶽自古  
宗望曦飛乳竇直以溜水深幽人鹿門侶遠挈將  
無庸深堂別駐春琴瑟靜唱喁顧驚庭下枝風雨  
去爲龍不知託山根雙雙千歲松化爲椿與萱姿  
如常不冬宇宙何寥廓勿漫窺心胸眼底一經遺  
西序登金鐘臺端晝勤接柱下朝題封以茲雙綵  
揚愈學五石容棲玄金鼎事分質乃同鎔室自不  
礙緯杖其奚限筇翁今花源跡毋且蘭臺饗會有  
偃佺語旋攜戴勝從不誇甘谷篤更作羅侯壙豈  
彼丘里知眠起爭高春此境已非卽癡予圖畫蹤  
區中聊爾槩響動墨天峰

程弘父芹藻園

一水宛在目中有草色遶弱叢展彼青更逐風廻  
嫋深影半出落但見傍稍小舞來孤月翻窺去沉  
雲窈悠然心獨煩日涉未應少

其二

余往爲弘父賦其芹藻園近偶過取讀  
之續此



把我舊贈詩讀向長林遶如何園裏華但愛水中  
嫋母乃傍山園無水園卽小兼茲十年餘沉碧加  
深窈前詩似已餘補遺倘可少

寄祝山人盤谷

曾讀盤之宮未識盤之叟大谷滿天地代爲靜者  
有而我盤谷翁遠非太行數云何踪跡踈想像空  
搔首故人周元修索詩將爲壽奇行乃失詳卮言  
慚厝手署號以知君知君兼取友聊用昌黎篇未  
免拈窠曰昌黎之亂云樂且歌而酒

送余郡侯還里

一笑九僊骨人間五等塵金華不願住州郡况勞  
人憶昔求牧初已趨黃犢輪借留無奈急乞情胡  
得陳心長四年短形槁萬烟新還將勞薪餘清於  
歌鴻民依稀傳去字奔閔已攢顰舉手一爲謝吾  
民寧不仁誰今肉爾骨忍我獨非身扳號先斷咽  
別淚寸肝真

其二

千里一專城十年數迴易騎竹與扳轅從來銷公



事獨有我公心百姓腹中置饑溺已如推水荒天  
不吏堂上出慈雲筆端生福地神本世緣踈骨翹  
小民媚哺乳始免懷寧見膝前棄豈不軼車力飄  
然時已亟新社幾春秋但拜藥公位

其三

利名蕉鹿夢功業景陽鍾得失皆有在所好以吾  
從黃堂四載餘往往積薪庸一朝謝茲去留行何  
太濃僚屬起爲壽節鉞朝暮逢上官移溫慰行題  
借重封想當僕御語稽首祈從容我公直一笑未  
始出吾宗禪鄙佛王位道癡仙館龍世人矜一轉  
乃更蚤聚蜂腐鼠方嚇鴟大鳥已冥蹤

其四

時危挂神武日暮引懸車東魯謝習隱北山焚銀  
魚於公雅非急拂手寧必渠一麾計已閱五馬不  
戀輿天空何冥冥世路誰遽遽迴風送長目千載  
簪珥虛去來俱已矣聊復嘆歸歎

題畫

有小引

戊申冬秣陵舟回曉發時暫泊荻岸觀魚筏久



博望山人和卷之一  
之乃發同行者爲吳門顧山人出扇索畫遂據  
舷布所見景而系以詩後此卽情隨事遷而出  
扇相視必知淺沙深葦間立而望者吾兩人也  
水氣蒸浪滾旭光晻空垂點帆遙負霧含山盡屯  
曦扁舟棧別浦秋荻黃幾時侶牽客子意撼弄風  
自隨數罟排此曲舉放如櫛比一釜穩坐筏縷篆  
知晨炊不愛膚立霜樂茲朝暮資翻疑無遮景爾  
爲造物私凝立聊互荅因之開棹遲推蓬筆半面  
畫出曉江詩

題張仲玉讀書處

披帷縱幽適豁爾山水會愛此濯纓處蒼翠紛如  
帶何須分我闥四顧含真兌天風度琅玕踈踈引  
虛籟高吟衆山響得象自象外飛塵淨不驚所爭  
豈鶴益人似貯瑤華攤書足文貝想見草玄成翹  
然襟宇泰

馬當山

橫當那可極直餘半箭江若使彭郎磯揭形而並  
長小孤正欲嫁豈愁河無梁



其二

青楓樓上夢夜夜赴江邊客子何時歸但風莫開  
船作客輕險行可知夢中驚

其三

上危巢棲墜下危蛟室虛行人未言危千百少一  
虞俱看湖口下浪平反何如

晚眺

殘靄依遠岫迴景在林樛挂巖逼危樓舉武恣遊  
敖但見莽塊低不知紺宇高連山催疊浪岡畝亦  
平臯黶黶黑雲根如銷錦霞縹微風噉蟬腹過雨  
鮮溪毛意廓目與豁大地晚刁刁感此百昌載無  
復廣生勞窅然得靜對萬慮以茲陶

賦得夏日長

炎光麗何許結茲三夏天不見羲馭停誰從丹衢  
延息陰數庭樹移影慢花輓寧吟賞慰虛且恣長  
晝便晨霄拂融風遲陽浮市烟流連固多娛愁永  
恐未然試將靜觀意一當終日乾何必希太古而  
後如小年陰陽自刻時喧寂倘不偏請就陶隱君



呼起北窓眠

其二

赫赫南榮候龍龍北闕垂星火永天中偏於皇隰  
宜重明方麗正長養以無爲六龍助離照不待長  
繩維東井旣以纏西隅浴何遲萬年碣石宮允調  
鍾律吹化國日自舒九夏長覺差瑞璋封慶遍均  
管節宣施更合虞帝宮載弄薰風絲嗟彼殿閣間  
空署散騎詩

其三

燕地熱不異爽氣朝可呼推枕兩腋輕端禮蘭臺  
趨威儀步青橐表正儼閔儒似有冰霜臨不覺炎  
蒸逋戀此鐵柱觀常恐寸景徂如何鈴索稀土圭  
仍未晡歸將殘卷續自課且焚枯汾陽定遠近壺  
中誰有無只此官家日欲銷恐竟孤虛簷暉不盡  
聊就涼風蘇

其四

江南卑薄子京國行歌地際茲解愠辰尚記負暄  
意榮木且傾陽鳴鳩亦引類詎以千歲心但嗟隙



流駛一雨濯枝清天河盪胸次重將畏景融徐翻  
溫涼致欲駐終不停相推復何覲大造已同昌吾  
生幸自位晨風與蟋蟀古賢有深寄時哉愛景光  
山川舊經笥

蜀中安氏遺腹守節舅氏以歲儉慮不俱活  
欲嫁之安氏赴河且死獲救今八十矣格  
應旌何太原爲冊求詩得古意一七言一  
終歲不成粧爲切離飛曲低頭想初婦上堂恩愛  
篤誰知心似冰永矢人如玉腹血已成兒饑寒豈

輦願傷哉舅氏心死爲亡人勗拯得水中生浣都  
耳邊辱身嘗萬劫荼天錫百齡籙毛女閱先秦懷  
清始旌蜀洋洋玉節馳咄咄堅珉屬慶祝已闔門  
猶自嫌繁縟一任彩衣翩不解蒙頭幘

几蘧區省文作詩督予逋畫旣成識其顛  
啓署坐長晝惟愁饑戍噉何來圖繪思題詩索同  
曹意畱王宰真遲回能事韜乃翻大蘇語笑笑以  
相挑趣君偶我坐拂素錯烟毫林枝黝以分石骨  
嶄然高意理差覺具輒呼牆頭醪終然慙萬里將



無咫尺勞何似笑笑時有絃都不操無邊怪丘壑  
想像馮老饕斯言戲之耳寧用酬詩豪

過雨探奇詩有引

在辰陽家大人命作

蓋聞峰拔芙蓉以素宵迎盼雨飛岱坂卽秦帝  
停輿影陽日照而徹九華雲居晴光而開絕頂  
良以激賞矢諸人意變幻付諸陰陽映景則幽  
蔚炫丹晻藹則翹堯戢翠戀陟者莫必其勝抱  
精者別躋其逢縱山靈之驕妬時歛岫而謝賓  
苟福地之緣高應朝霞以作主近茲大酉山洞

踞列辰隅邑治微邾莒之織地勝擷洞天之籍  
名傳華妙響動鼓鐘筆粵遙拱其三峴嶽環叢  
以五熊頭猥挺而赴戴龍門跳沫而注漸長睇  
伍城想莊躋之築磧俯瞰時駐追諸葛之羽師  
若其重嶮疊勢中涵屑沒多伏穴而寧渺類浮  
石以架空全蹲負嶠半倒吸江映濤而削壁飛  
水縣乳而寒漿破液因啓石門豁衍莫測初須  
白晝以揚燎漸可平沙而遠豁洵足貯周穆之  
神書併以羅秦人之玉筍悉茲地肺心目互橫



碎磻靡窮歲魁莫述然而興衰隨物改化因時  
封禪參于前朝廢址悲于憑吊名流希址美韻  
曠臨阜卽東山寧有紅蓮嘯月標如南國誰聞  
白苧臨風是以山阿寂寥千載誰賞伏值明公  
挺維嶽之儀神舉作柱之高掌範凝簡肅嘿含  
四時胸劑剛柔化敦萬育舒卷同吉文武作孚  
冲以不盈喬先下逮辰沅襟帶雅借監臨握節  
幟以詰戎兵控荆蠻而兼夷夏詎數郡之衽席  
實三楚之旃幟乃於按部以巡行未至酉山而  
遙駐望塵爭謁辭肅路周惟靈穴之擅名特關  
門以候氣祗以連旬屏翳未徹其濛仰矚四垂  
方深如晦恐無灌壇當道之禁未免伯牙巖下  
之聲因此猶疑致前再請爲保遄發以勵晨征  
當有大人之文明應致光天而開霽揆諸理象  
匪出滿闕迄乎來朝敲蒸盡歇曦馭叱而正升  
蜚廉遁而滅扇暉精與人面兢華瑩鏡與長林  
開碧雲旌閃曜風柯停唵遂御金輪恪陪桂策  
到來縱目研奕尤新天宇散其霏靄雲物象其



昭回箕畢避其先聲山川報其響格怪石獻狀  
猶恐匿奇芳卉送鮮若虞被偃秀出浴而可摘  
嵐過濯而欲浮泉到檻以學巴瀑在湍而成雪  
爾乃擯巾駕着雲冠拂蘭臯兮袂香攬夏靄兮  
衣翔導陰窟之掘壘兮踵靈威之揆藏尋九嶺  
以紫砂兮狎善卷而常羊於是棲息山楹枯筆  
小行玄颺互射逸興橫生爰揮毫而走筆鏤錦  
韻以兼成湧海潮其奏味搖五嶽以勒銘借一  
時之寓踪緜不朽以佳名假積靈之未收疇卧

轍而能羈言追羊公之碑同眷牛山之對有  
植其曲垂無守土而釋愧籬落乎沉烟哀鴻乎  
無計撤豐靈其何時免覆盆之日厲詎斯須之  
采拔洵不負車轍馬跡之所至區區蚓竅罔識  
逃悶蕪詞載先短章聊繼云耳

地紀載丹籙酉洞名獨偏枉令夢思結毋乃耳是  
傳詎以勾漏求獲茲辰砂邊駮賊日覆城相望虛  
留連龍門何遙來豸冠導以前應有靈祇語而以  
疆吏先燕谷吹鄒子楚阿觴賜賢那能絕荒僻不



少辱輜輶以此叱雨師入夜清四埏鳴鑣趁朝旭  
褰帷傍飛泉石罅不隱日洞窅別藏天蘚壁芳自  
潤雲峰吐欲僊豈意峰出洗縉于客弄妍千載信  
佳賞期待寧偶然陶陶山簡側斜景窺平田

其二

白叟文夢叶赤烏魯戈揚孰能識精列斯實霧應  
彰高軒齋勝具倏忽滄翳藏衝麾避陰怪先驅揖  
太陽岫從封出巧洞爲濯生光懸滴輕戀樹踈景  
薄燎裳轉于幽躡豪不禁舉趾狂發聲恐駘礧窮

積畏津梁有竇指天貌無門扃石房容與恣來往  
澹蕩坐神王徐臭林臯馥疊奏鳥語簧儘由情作  
麗皆迎日炫粧文明光大象片言豈不臧頓令牛  
馬走恩承麟鳳行惻以懽斯罄貴以淡相忘言思  
載德深龜修七里疆時哉附尊躅永矣摩青蒼







